

IZVOD IZ TRANSKRIPTA SA 64. SJEDNICE SKUPŠTINE KANTONA ODRŽANE 17.08.2018. GODINE U KOJEM JE SADRŽANA RASPRAVA PO 2. TAČCI DNEVNOG REDA - NACRT ZAKONA O TURISTIČKIM ZAJEDNICAMA

IBRAHIM PLANČIĆ

Zahvaljujem predsjedavajući. Evo, onaj, nisam imao namjeru da se posebno prijavljujem, ali ipak s obzirom da se radi o jako važnom Zakonu čini mi se red je da bar evo ovom prilikom se zahvalim resornom Ministarstvu privrede i Vladi Zeničko-dobojskog kantona koji su evo, istina, pred kraj mandata imali snage, imali hrabrosti, imali volje i uspjeli evo da naprave Prijedlog Zakona o turističkim zajednicama Zeničko-dobojskog kantona na osnovu one moje inicijative, a na osnovu podrške Skupštine za tu inicijativu. I mislim da je ovo jedan dobar Nacrt Zakona, da je ... da je dobro da ćemo ovim regulisati jednu jako važnu oblast koja evo 4-5 godina nije bila regulisana i zbog čega naši turistički potencijali ... potencijali Zeničko-dobojskog kantona u tom smislu su imali određenu štetu. Rekao bih nisu dovoljno razvijani, nisu praćeni trendovi onako kako je Turistička zajednica ... ca Zeničko-dobojskog kantona sve one godine radila do tada. I s tim u vezi imam zaista potrebu da se zahvalim, onaj, resornom Ministarstvu privrede koje je prepoznalo ovu inicijativu i evo po nalogu Skupštine u onom Zaključku našem, onaj, pripremlilo Nacrt Zakona. Ono što sam ja mogao da vidim, Zakon je u Nacrtu sasvim korektan, sasvim dobro reguliše ovu oblast kroz ovih čini mi se 9 poglavlja. Jako dobro je propisana i organizacija turističkih zajednica. Dakle, omogućava se da svaka općina formira svoju zasebnu turističku zajednicu i da imamo turističku zajednicu Zeničko-dobojskog kantona kao onu, evo ja bih je nazvao, jednu krovnu instituciju. Regulisano je način obaveznog članstva u turističkoj zajednici, način finansiranja i ... i naravno način, onaj, raspodjele sredstava prikupljenih od ove obavezne turističke ... takse, evo tako da je nazovem. Prema tome, onaj, ja mislim da je dobro evo iako smo pred kraj mandata možda je dobro bilo da ... da ... da uspijemo završiti ovo i u Prijedlogu, ali možda je dobro da je i ostavimo ovo u redovnoj proceduri, pa da ima mogućnost bar onako kako je Komisija za budžet i finansije predložila bar 15 dana svi zainteresovani subjekti iz općina, ja vjerujem da će biti, ovaj, svi oni koji se bave turizmom i ugostiteljstvom da će pregledati ovaj Zakon i vidjeti da li mogu eventualno da poprave nešto, onaj. Tako da ... da, ja evo lično podržavam ovaj Prijedlog odnosno Nacrt Zakona i mogu da kažem ispred Kluba zastupnika SDA da ... da ćemo mi ovo danas podržati i prihvatamo stav, onaj, Komisije za budžet i finansije da to bude ovdje u Kantonu i da na njoj mogu učestvovati, a i putem web prijave odnosno maila eventualno sve svoje primjedbe dostave svi zainteresovani subjekti za ovu oblast. Zahvaljujem.

PREDSJEDAVAJUĆI

Zahvaljujem se gospodinu Plančiću. Dajem riječ uvaženom zastupniku Senaidu Begiću. Izvolite.

SENAID BEGIĆ

Zahvaljujem predsjedavajući. Obzirom da se prvi put javljam za riječ pozdravljam sve prisutne. Kada je u pitanju Zakon o turističkim zajednicama, meni je zaista drago da smo još jedna od skupština koja na dnevnom redu ima ovaj izuzetno bitan Zakon. Sami znamo da naša Turistička zajednica posljednih sigurno godinu i po odnosno 2 godine dana muku muči sa svojom opstojnošću i ovo je bio zaista, ovaj, krajnji ... bilo je krajnje vrijeme da ova Skupština dođe u situaciju da se bavi ovako veoma bitnim pitanjem. Prvenstveno iz razloga što je Turistička zajednica naša, naša Kantonalna turistička zajednica, bila dosta prepoznatljiva u svom radu i sa projektima kojima ... sa kojima se predstavljala u javnosti kada je u pitanju sam rad i djelatnost zbog koje je osnovana. Međutim, zbog problema nedonošenja Federalnog Zakona o turizmu i onoga što je on nudio u svojoj zakonskoj normi, Turistička zajednica našeg Kantona je bila do ... samim tim dovedena u ... u ovu tešku ... tešku situaciju u tom nekom vakuum ... vakuum prostoru. Ja bih zaista bio sretan kada bi ova Skupština do kraja svog mandata bila u prilici da, ovaj, do kraja sprovede ovu priču oko donošenja Zakona o turističkoj zajednici Zeničko-dobojskog kantona i bilo bi dobro, ustvari ostalo bi zabilježeno da je u mandatu ove Skupštine donešen ovaj Zakon. I s tim u vezi, obzirom da je i ovaj rok od 15 dana relativno kratak i da će se moći završiti, ovaj, ta javna rasprava, možda bi čak i ostalo vremena da se ... da se, ovaj, zaokruži taj proces. Ovo ne govorim iz razloga samo ovog što sam rekao da to ostane u ... u ... u ... kao rezultat rada ove Skupštine nego jednostavno iz razloga ne znam koliko ne ... nismo ... ne ... nismo imali priliku da čujemo, ali, ovaj, zaista je Turistička zajednica u jednoj teškoj situaciji kao ... kao organizacija i s tim u vezi svako prolongiranje, ovaj, donošenja ovog Zakona otežava tu situaciju. Mnoge su prednosti. Ja sam se ovim materijalima onako posvetio i mogu reći da ovaj Zakon o turističkim zajednicama Zeničko-dobojskog kantona ne opterećuje Budžet Zeničko-dobojskog kantona što je veoma bitno. Čak šta više, ovaj, s druge strane oprihoduje Budžet za iznos

negdje otprilike oko 200 hiljada KM i to namjenski za veoma bitnu stavku, a to je zaštita kulturno-historijskog naslijeđa u Zeničko-dobojskom kantonu i ono što je veoma bitno Vlada Kantona raspoređuje ova sredstva, odnosno Vlada Kantona je ta ... ta koja će procijeniti ovu namjenu na području Zeničko-dobojskog kantona gdje ta sredstva zaista, ovaj, svoju namjenu treba da nađu. Ono što je također bitno za razliku od kako je to ranije bilo regulisano sav novac ostaje u Zeničko-dobojskom kantonu odnosno nema izdvajanja za federalni nivo. Ranije smo imali situaciju da se 25%, čini mi se, sredstava izdvajalo za Federaciju i različite su bile norme raspoređivanja i čak je bilo, ovaj, dosta nepro ... neprincipijelnog raspoređivanja odnosno nenamjenskog raspoređivanja ovih sredstava sa nivoa Federacije. I ono što je veoma bitno ovdje jeste fleksibilnost ovog Zakona odnosno ostavlja se jedna mogućnost lokalnim zajednicama da one osnivaju svoje turističke zajednice na način da one ... one organiza ... odnosno one opštine koje osnuju turističku zajednicu imaju mogućnost čini mi se 50% sredstava, povrata sredstava od Turističke zajednice u te lokalne zajednice. Članski doprinos znači ne plaćaju ... ne plaćaju proizvodne djelatnosti nego samo uslužne i trgovačke djel ... ove djelatnosti koje imaju direktne odnosno indirektne veze sa ... sa turizmom. Veoma bitno je i to što se ovim zakonskim rješenjem stvaraju mogućnosti saradnje sa EU fondovima na flasteru turizma. Ne znam koliko ste upoznati, ali naša Turistička zajednica je prije nekoliko godina odr ... uradila i završila, dovela je do realizacije jedan izuzetan projekat koji je prepoznatljiv na širem području. To je projekat "Tajana". Projekat "Tajan" je kako da kažem po meni obilježio, ovaj, na jedan pozitivan način rad Turističke zajednice Zeničko-dobojskog kantona u proteklom period. Ovim zakonskim rješenjem se stvaraju pretpostavke i mogućnosti da se ovakvi projekti, ovaj, nastave ... nastave raditi. Također se stvara mogućnost otvaranja novih radnih mjesta kod javnog-privatnog partnerstva, smanjuje se siva ekonomija koja je trenutno uzela maha posebno u turističkoj djelatnosti. Ista ... ovo naše zakonsko rješenje je isto ili čak i bolje nego, ovaj, u ostalim kantonima i malo sam upoređivao cijene plaćanja i koštanja, ovaj, doprinosa u susjedstvu. Mo ... možemo konstatovati da je ovo zakonsko rješenje je trostruko jeftinije odnosno doprinosi koji se plaćaju za ovu djelatnost su trostruko jeftiniji nego u Hrvatskoj. Također, nedonošenje Zakona do sad odnosno nepostojanje Zakona o turističkoj zajednici dovelo je do toga da smo za period samo od 2014. godine kad smo imali registrovanih i tad to nije bilo registrovano onoliko koliko je zaista, ovaj, registrovano, ali imamo evidenciju, u statističkim podacima evidenciju 70 hiljada ... 78 hiljada noćenja u 2014. godini, a zbog nedonošenja ovog Zakona tur ... o turističkim zajednicama taj broj noćenja prema statističkim podacima je pao na 24 hiljade noćenja u 2017. godini. Znači, to je za preko 50 hiljada noćenja manje samo za ove ... za ove 3 godine, a svi ostali kantoni, sve ostale turističke zajednice bilježe ... bilježe, ovaj, rast noćenja. I na kraju, ovim Zakonom ono što je također veoma bitno direktan nadzor nad ovom Turističkom zajednicom ima naše Ministarstvo, odnosno resorno Ministarstvo privrede i Vlada Zeničko-dobojskog kantona. S tim u vezi, ovaj, ja mogu samo reći da zaista dobra zakonska rješenja su korist i za društvo i za šuru ... širu društvenu zajednicu i Klub SDP-a će podržati, ovaj Zakon o turističkim zajednicama i evo ja molim i resorne službe ukoliko se nađe mogućnosti da se do kraja mandata ove Skupštine dovede do kraja ipak ovaj Zakon, jer, ovaj, do ... znate i sami kakva je procedura poslije izbora. Novembar, decembar se potroše, formira ... onaj, puno će to trajati i, ovaj, vrlo teško će ponovo, ovaj, ova tema doći na dnevni red, ovaj, Skupštine. A zaista ne vidim ... ne vidim razloga zašto ... zašto se to do kraja ne bi dovelo i, ovaj, na kraju krajeva i usvojilo. Hvala.

PREDSJEDAVALA

Zahvaljujem se kolegi Begiću. Dajem riječ uvaženom zastupniku Munibu Husejnagiću.

MUNIB HUSEJNAGIĆ

Ja neću puno govoriti o potrebama donošenja ovog Zakona zbog toga što je to stvarno potreba. Imamo pravni vakum. Imamo veliki potencijal u Zeničko-dobojskom kantonu i mislim da je na nama odgovornost da što je moguće prije donesemo ovakav jedan zakon kako bi mogli u pravne okvire vratiti i rad i poslovanje Turističke zajednice, a i podići ... podići turističku ponudu u Zeničko-dobojskom kantonu, a samim tim i prihodi i prodaja raznih aranžmana koji se ... koji se nude i koji su, ovaj, dostupni u Zeničko-dobojskom kantonu. Ja sam malo pričao sa ... sa ... sa direktorom Turističke zajednice i po meni imam malu primjedbicu u smislu da je malo mi organizaciono prenormirano, da imamo puno organizacionih nivoa, ali to je stvar da se u raspravi kada se ovaj Nacrt ... Nacrt pusti u raspravu da se o tome malo sagleda i vidi. Imamo turističku zajednicu, imamo Skupštinu, imamo Nadzorni odbor, imamo Vijeće turističke zajednice, imamo itd. Sve to ima svoje rukovodstvo itd. Mislim da bi u tom pogledu možda moglo se optimalnije malo to rasporediti. Imam konkretnu primjedbku na član 8. djelovanje Turističke zajednice u član 8. stav 2. pod a) upravljanje dobrima o resursima koji su im dati na upravljanje odlukom osnivača u skladu sa posebnim propisima, pa izletišta uredi, lovišta, parkovi, plaže, jezera, rijeka, prirodne i kulturne i historijska naslijeđa. Mislim da ovdje ne bi trebalo da stoji lovišta. Za

lovišta zakonom je propisano da je jako široko ispunjavanje uslova da bi moglo neko gospodariti ili baviti se s tim i mislim da to nije djelatnost koja bi trebalo Turistička zajednica dalje da ... Ona može normalno da radi na promociji naših lovišta, na saradnji sa lovačkim udruženjima koja gazduju tim lovištima, ali da se bavi tim mislim da nije uredu i da ovo ne bi trebalo ... ne bi trebalo, onaj, ovdje da stoji. Evo toliko ukratko samo.

PREDSJEDAVALJUĆI

Zahvaljujem. Dajem riječ uvaženom zastupniku Samiru Lemešu.

SAMIR LEMEŠ

Ja bih se nadovezao na ove prethodne dvije diskusije s obzirom da ja ovdje vidim također šansu da se upravljanje zaštićenim područjem Parkom prirode "Tajan" sa Šumsko-privrednog društva koje se bavi eksploatacijom šume odnosno na neki način narušava zaštićena područja da prebacimo na Turističku zajednicu, pa bih ja samo da ... da provjerim da li u članu 8. da li ovaj član 8 stav 2. pod a) da li obuhvata i zaštićena područja, ako ne da se to doda. Isto u članu 24. pod stavkom k) kaže upravlja javnom turističkom infrastrukturom danom na upravljanje od strane Kantona, da li ta javna turistička infrastruktura da li ona obuhvata i zaštićena područja? Hoće li se to prebaciti na Turističku zajednicu to je sad pitanje Kantona, ali samo da ne onemogućimo tako nešto nego da se otvori prostor da i zaštićena područja budu obuhvaćena članom 8. stav 2 pod a) odnosno članom 24 pod k).

PREDSJEDAVALJUĆI

Zahvaljujem. Dajem riječ uvaženom zastupniku Damiru Jukiću.

DAMIR JUKIĆ

Dobar dan svima. Sve vas lijepo pozdravljam. Vrlo kratko ću s obzirom da se radi o Nacrtu jednog po meni vrlo dobrog zakonskog rješenja, neću previše elaborirati i zamolio bih sve nas evo ukoliko imamo i možemo djelovati i uputiti, biće znači, onaj, javna rasprava koliko je tamo čini mi se predloženo 15 dana. Mislim da je dobro što se išlo na kraći rok zato bih predložio i danas da bude kraća rasprava. Svako ko ima neka putem javne rasprave predloži ukoliko nešto treba mijenjati. Vjerovatno ću i ja možda negdje nešto intervenirati, ovaj. Mislim da se radi o dobrom zakonskom rješenju, ponavljam. Ovo je trebalo davno uraditi i ostalo nam je još možda mjesec ili dva do kraja mandata i zamolio bih zaista i Stručnu službu i sve one koji budu provodili javnu raspravu da ubrzaju proces što je moguće prije, jer ću biti ponosan kao zastupnik u Skupštini da završimo mandat da usvojimo i ovaj Zakon, jer Zeničko-dobojski kanton ima ogroman turistički potencijal, a trenutno nema Zakona o turističkoj zajednici. Mislim da je to žalosno i ne želim završiti, i vjerujem kao i svi ovdje, mandate u ovoj Skupštini da ne izglasamo, ovaj, evo da ne kažem bilo kakav smatram da je ovo vrlo dobar, a može biti odličan. Imamo prigode da ga svi popravimo svojim amandmanima, prijedlozima, sugestijama, itd. Ono što još možda evo ... evo kratko sad samo ću samo spomenuti možda, ovaj, tamo u članak 18. mislim 17 pogodi da ... navodi da imamo turistički ured i da turističkim uredom rukovodi direktor Turističke zajednice ... direktor turističkog ureda Turističke zajednice. Malo je taj termin do sad ... nismo nikad imali direktora ureda nego direktor Turističke zajednice, terminološki je možda promijeniti u neki drugi. Direktor Turističke zajednice do sad je i bilo. Smatram da to treba i ostati i tako je svugdje praksa, a ne direktor ureda nekog. I mi ćemo imati direktora ako bog da Turističke zajednice, ovaj, koji će evo turizam na veću razinu podignuti. Hvala vam.

PREDSJEDAVALJUĆI

Zahvaljujem. Dajem riječ uvaženom zastupniku Ćamilu Zaimoviću.

ĆAMIL ZAIMOVIĆ

Zahvaljujem predsjedavajući. Sviju vas skupa selamim i pozdravljam, cijenjene kolege, ministre, mediji, itd. Nemam ništa novo reći izuzev prethodnih govornika. Ovo je doista, onaj, jedna stvar koja je možda i prije trebala da bude i sigurno kočnica i u zapošljavanju što maloprije kolega Husejnagić reče, razvoj maloj privredi is v ... maloj privredi i svemu ostalom što puni Budžet Zeničko-dobojskog kantona i bez razlike što za ovaj isto što niz zakona nemamo rec ... još neke zakone vrlo bitnih za Zeničko-dobojski kanton nemamo. Recimo Zakon o koncesijama. Sad ćemo vidjeti, biće danas na dnevnom redu i on nije utemeljen za odr ... neke mineralne sirovine, industrijske mineralne sirovine. Zatim Zakon o šumarstvu isto tako, ali je ovo jedan put siguran da se na nivou Kantona donese ovaj Zakon, da imamo pravila ponašanja, da imamo stabilne institucije i da ovim putem, onaj, natjeramo neke u višim nivoima da se usaglase oko ovih zakona koji su vrlo delikatni u raspravama, skupštinskim raspravama i Federalnom

Parlamentu i evo kantonalnim parlamentima drugih kantona, a isto tako molit ću i kolege koji će u narednom sazivu, neki će biti u federlanom zakonu, u federalnim ovim parlamentima i šta je još nadležnost koji drugi parlamenti, ovaj, da ove stvari doista, onaj, uzmu prije svega u razmatranje misleći da se poslije ne javljam Zakon o koncesijama isto tako koji treba izdefinisati na nivou federalnog zakon ... nivoa, kao ovaj Zakon, Zakon o šumama isto tako i ne mogu sad još da se sjetim nekoga zakona koji doista, onaj, prave problema i, ovaj, ugrožavaju niše .. niže nivoe vođenja i rukovođenja. Toliko. Hvala vam.

PREDSJEDAVALJUĆI

Zahvaljujem se uvaženom zastupniku Zaimoviću. Da li se još neko javlja za riječ?

Ukoliko se ne javlja, ja ću samo ovako s mjesta kazati, a vezano je i za Zaključak Komisije nadležne za javnu raspravu od 15 dana, nije uobičajeno da ona bude kraća od 15 dana, je li? Ja bih volio lično da bude i kraća javna rasprava, možda do 10 dana, ali ... ali to ne sprječava, dakle, da organizatori javne rasprave koji bude da tu javnu raspravu provede ne 15-i dan. Ne treba čekati 15-i dan. U okviru tih 15 dana što može biti i 7 i 8 dan i evo neka moja preporuka je ako ćemo biti operativni i dinamični i odgovorni i da se ova oblast reguliše ako bog da adekvatno, ovaj, s obzirom da je neregulisana, a govorili ste mnogi o koristima i benefitima vezanim za ovaj Zakon, nepostojanje odnosno šteti zbog nepostojanja, ovaj, da u organizaciji javne rasprave, samoj provedbi i obradi i sagledavanju primjedbi i utvrđivanju teksta Prijedloga Zakona o turističkim zajednicama, da to bude neko vrijeme koje bi moglo dati nama priliku da ovaj Zakon već utvrdimo u formi prijedloga i u ovom mandatu. Ja se nadam da će tako biti, ali to zavisi od svih nas i od onih koji budu obrađivali ovaj tekst i primjedbe koje budu, je li, organizovali i priredili tu javnu raspravu. Stoga, evo neka moja sugestija, nadam se u ime svih vas, da se ne čeka 15-i dan, nego evo prije Dana Kantona, dakle u narednih 7-8 dana da se ... da se obavi i uradi ova javna rasprava. S obzirom da se više niko ne javlja za riječ... Onaj, s obzirom da se više niko ne javlja za riječ u ovom momentu ... u ovom momentu ja ću, samo da nađem podsjetnik, da zaključim raspravu i da predložim, dakle, Skupštini sljedeći Zaključak ...